

D E U T E R O N O M I.

le t' uile chridhe, agus le t' uile anam :

3 'An fin bheir an Tighearna do Dhia air ais do bhraighdeanas, agus ni e iochd riut, agus pillidh e agus cruinnichidh e thu as na h-uile chinnich a chum an do sgap an Tighearna do Dhia thu.

4 Ma dh'fhògradh *neach* agad gus a' *chuid* a's iomallaiche do nèamh, as fin cruinnichidh an Tighearna do Dhia thu, agus as fin bheir e thu :

5 Agus bheir an Tighearna do Dhia thu do'n fhearann a fhealbhaich t'aithreacha, agus fealbhaichidh tu e: agus ni e math dhuit, agus bheir e ort fàs lionmhor os cionn t'aithreacha.

6 Agus timchioll-ghearraidh an Tighearna do Dhia do chridhe, agus cridhe do fhliochd, a ghràdhachadh an Tighearna do Dhé le t'uile chridhe, agus le t'uile anam, a chum gu'm bi thu beo.

7 Agus cuiridh an Tighearna do Dhia na mallachdan sin uile air do naimhdibh, agus orra-san aig am bheil fuath dhuit, a rinn geur-leanmhuinn ort.

8 Agus pillidh tu agus bheir thu géill do ghuth an Tighearna, agus ni thu àitheantan uile a tha mise ag àithneadh dhuit an diugh.

9 Agus ni an Tighearna do Dhia pailt thu ann an uile obair do làimhe, ann an toradh do chuirp, agus ann an toradh do spréidhe, agus ann an toradh t'fhearainn, a chum maith: oir ni an Tighearna ris gairdeachas os do cheann chum maith, mar

a rinn e gairdeachas os cionn t' aithreacha :

10 Ma dh'éifdeas tu re guth an Tighearna do Dhé, a ghleidheadh àitheantan, agus a reachdan, a tha sgrìobhta ann an leabhar an lagha fo, agus ma philleas tu chum an Tighearna do Dhé le t'uile chridhe agus le t'uile anam.

11 Oir an àithne fo a tha mise ag àithneadh dhuit an diugh, cha 'n'eil i 'm folach ort, ni mò a ta i fada uait.

12 Cha 'n'eil i 'sna nèamhaibh, air chor as gu'n abradh tu, Cò théid suas air ar son do na nèamhaibh, agus a bheir i d'ar n-ionnsuidh, a chum as gu'n cluinn sinn i, agus gu'n dean sinn i?

13 Ni mò a tha i 'n taobh thall do'n fhairge, air chor as gu'n abradh tu, Cò théid a nunn air ar son thar an fhairge, agus a bheir i d'ar n-ionnsuidh a chum gu'n cluinn sinn i, agus gu'n dean sinn i?

14 Ach tha 'm focal ro-fhagus duit, ann do bheul, agus ann do chridhe, chum gu'n dean thu e.

15 Feuch, chuir mi romhad an diugh beatha agus math, agus bàs agus olc :

16 A mheud gu bheil mi ag àithneadh dhuit an diugh an Tighearna do Dhia a ghràdhachadh, gluafad 'na fhlighibh, agus àitheantan a ghleidheadh, agus a reachdan, agus a bhreitheanas, a chum gu'm bi thu beo, agus gu'm fàs thu lionmhor, agus gu'm beannaich an Tighearna do Dhia thu 'san fhearann d'am bheil thu dol g'a fhealbhadh.